

*dum passionis cujusdam transeuntis, juxta analogiam luminis Prophetia.*

XLV. Sed ex adverso negant, *Paulum in hac vita vidisse divinam essentiam*, Molina P. I. C. II art XI. Disp. II. & Becus in Theol. Schol. P. III. Tr. I. Cap. IX. C. VII. n. V. p. 55. qui inter alia & illud urget, quod *raptus ille contigerit, antequam Paulus scriberet epistolam (priorem) ad Timotheum & antequam Johannes scriberet suum Evangelium: Et tamen uterque scribat, nullum hominum vidisse unquam Deum. Ergo, addit, signum est, Paulum in suo raptu non vidisse Deum: alioqui debuisset se ipsum excipere ab illa generali sententia: Quem nullus hominum vidit. Et post Paulo: Paulus audivit verba arcana, non per visionem beatificam sed per singularem revelationem, ut patet ex illo II, Cor. XII. vers. 7. Ne magnitudo revelationum extollat me.*

XLVI. Et profecto manifestum est, raptum illum, seu id, quod in raptu illo ei contigit, a Paulo referri ad ὀπτασίας ἢ ἀποκαλύψεις Κυρίου, visiones & revelationes Domini, l. c. v. 1. tanquam quod ὑπερβολὴν τῶν ἀποκαλύψεων, excellentiam revelationum importet. Quod autem Paulus Deum sive essentiam Dei in se, & citra verbum tam internum, quam externum, immediate aut intuendo cognoverit, nihil extat l. c. Cæterum cum ipse Paulus 1. Cor. XIII, 12. generaliter de se & aliis pronunciet: *Cernimus nunc per speculum in enigmate, tunc autem facie ad faciem: denegans sibi & aliis visionem intuitivam Dei in hac vita, atque ad futuram vitam differens: hoc autem loco, II. Cor. XII. dum ὀπτασίαν illam, visionem aut revelationem insignem, recenset, simul indicet, eam contigisse sibi jam ante annos quatuordecim; tanto autem temporis intervallo non differant Epistolæ prioris ac posterioris scriptio atque ablegatio; sane fatendum erit, excellentem istam revelationem intra genus visionis per speculum in enigmate, quæ visioni de facie ad faciem contradistinguitur, substituisse, neque adeo intuitivam Dei cognitionem importare.*

XLVII. Quod si Apostolis accensere placeat virum Apostolicum, Ecclesiæ primitivæ Diaconum & Protomartyrem,

E

Stepha-